

Atirisiya ya Phalimonari – Pulmonary Atresia

Nhlokomhaka:

1. Vhaluvhu ya phalimonari yi pfalekile yi ku tswala / a yi kulangi.
2. Mbilu yintsonga ya le ximatsini na vhaluvhu ya le ximatsini (tricuspid valve).
3. Bodo rintsongo ra tithixu leti hambanyisaka khumbi ra ximatsi na xinene ra mbilu.


Nhlamuselo:

Xana i yini?

Eka Phalimonari atirixiya, a ku na nyangwa exikarhi ka mbilu ya le xineneni na tiphayiphi leti yisaka ngati emahahwini. Ngati a yi swi koti ku ya emahahwini ku suka embilwini ya xinene ku ya hileswi swi faneleke ku va swona.

Loko leswi swi humelela ku fanele ku va ku ri na mabodo kun'wana embilwini ku pfumelela ngati ku va yi kuma ndlela yin'wana. Ku nga va ku ri na bodo ekhumbini exikarhi ka tichembarankulu to popa (mahlanguti ya mbilu) na kumbe bodo ekhumbini exikarhi ka tichembara leti hlengeletaka (atiriyi).

Phalimonari atirixiya i xiphiso xo kala, lexi humelelaka hi ku ringana eka vafana na vanhwanyana.



Xana switandzhaku swa byona hiswihhi?

Ku hava munhu loyi a nga hanyaka loko ngati yi nga yi emahahwini, se ku fanele ku va na ndlela yin'wana ya ku endla leswaku ngati yi fika emahahwini. Leswi swi tala ku va swi endliwa hi phayiphi leyi hlenganisaka phayiphi leyi tekaka ngati emirini yi yi yisa emahahwini. Leri ri tala ku pfaleka xikan'wekan'we endzaku kaloko n'wana a velekiwile, eka mbilu leyi yi nga kahle leswi swi kahle kambe eka xiyimo lexi n'wana a nga hanyi loko ro pfaleka. Murhi lowu vuriwaka *Prostaglandin E1* wu nyikiwa n'wana ku endlela leswaku phayiphi yi tsama yi pfulekile ku fikela loko ku ta endliwa vuhandzuri. Vana lava va tala ku va va vabya swinene.

Byi tshunguriwa njhani?

Muri (xik. *Prostaglandin E1*) wu nga ha nyikiwa xikan'wekan'we endzhaku ka ku veleka ku endlela leswaku *Patent Ductus Arteriosus* (bodo leri ri nga exikarhi ka swichembarana swimbirhi swo hlengeleta swa mbilu) yi pfuleka. Vuhandzuri bya laveka ku pfula ndlela ya ku hundzisa ngati yi ya emahahwini. Chupu ri hoxiwa exikarhi ka phalimonari ariteri na ayota ku pfumelela nkholuko wa ngati ku ya emahahwini. Hambiswiritano, vuhandzuri lebyi i bya nkarhinyana ku ponisa n'wana na ku n'wi pfumelela ku va a kula kutani endzhaku ku tala ku endliwa vuhandzuri byo lunghisa loko se n'wana a kurilenyana.

Muxaka lowu wa vuhandzuri wu ya hi ku landza vuxokoxoko bya mbilu ya n'wana un'wana na un'wana. Yin'wana ya olova ku yi lunghisa kasi yin'wana ya nonoha swinene. Dokodela u ta hlamusela tiopuxini leti nga kona ku ya hi ku hambana ka tona eka n'wana wa wena ku ya hileswi va nga swi kuma.